

Kurpfälzer Drabble-Battle Heimattage 2025 Weinheim

Teilnehmer der Finalrunde
Michael Köhler



**DACHVERBAND
DER DIALEKTE**
Baden-Württemberg



Feichde Droim

De Wind, hellwach. E wildes Fauche, stirzd sich in des drogge Bladderwerk. In rem Erd un Himml Zammeballe, duschder schwarze Wolge walle, schlupfe an die uffgrissne Äcker no.

Irgendwo de Donner scheld un dann middenei in selle dempfich Hidz zugge ziddernd grelle Blitz.

Pleedzlich danzd e nasses Hopfe, springe digge, fedde Tropfe, do un do un immer meh effne sich die Schleise, saiche duds un wie. Gräbe gurgle, Wurzle schlierfe, endlich isch des Wasser ...

Er liefd d' Augedeggl, hopfd aus em Bedd, rennd ans Feschdr. zobbeld wild de Rollade hoch.

De Clown ...'

Schdill un kreidebleich, de Flur.

D' Lufd schmeggd nach Desinfektionsmiddel un a nach e bissl Kaffee. Iwwerm Durchgang zum Dreppehaus tickt e Uhr leis vor sich no.

Vor de Zimmer e Roih von leere Stiehl. E Krankeschwester fegt vorbei, biegt eilig ums Egg.

Ewwe grad gehd e Dir.

Riese Schlappe dauche uff, e rode Knubbelnas, e bunds Gsichd unner gelbe Logge.

Aus rem Lache werd en leerer Bligg.

Den bunde Vogl driggds mid em Rigge grad an d' Wand, er liefd de Kopf, glotzd an d' Deck un dann laafed d Träne, rinne iwwers G'sichd, die lachend Mask', ned wasserdichd.

Nur uff Bsuch

G'hoimnisvoll e Lichderdanze, blizend Äugle in rem griene Gsichd, gnidze
Sonnefunge knisch-dre in de himmelshoche Blädderwese;

un am kiehle Bode stupfled duftdigs Nadelflies.

Zwische grad noch geschdern un scho heid, kiddernd sellen Pfad bedrede mid de
blude Fies.

Uff em warme lichde Flegg e Blindschleichligge. Ameiserenne in de grelle
Gräserligge.

Sich mid zune Auge wild im Krois rundreh', dormlich uff de Lichdung steh, un dann
ganz benomme in de Wald nei lache, Luftspring mache.

No mol kloi sei, no mol do sei, in dem ferne nahe Wald, wo Jugend, Heimat hoist,
sellem fix Vergehe abgerunge, des so ungezwunge sonn'durchdrunge,
Sommerkind.